

邊政考

五



邊政考卷之六

按三夷類無定居無定名騁彊力相雄長亦無定長弓騎
剽掠為生業亦無定業狠心野性故亦無定性是故類族
以領之居方以別之類而為三所謂類犬羊則犬羊之而
已因類以為之坊要亦無混施焉

北虜類

匈奴

黃帝本紀北逐葷粥註索隱曰葷粥匈奴別名唐虞以上
曰山戎亦曰獯鬻夏曰淳維殷曰鬼方周曰玁狁秦漢曰

匈奴魏隋唐
皆曰突厥

東胡

正義曰趙東有瀛州乃東北營州之境即東胡烏丸地服
虔曰東胡烏桓之先後為鮮卑也國在匈奴東故號曰東

胡

樓煩地理志鴈門郡有樓煩縣胡之故地也正義曰卽嵐州勝州之北輿地要覽曰樓煩故城在今太原府崞縣東

單于匈奴天子之號漢書音義曰單于者廣大貌言其象天單于然也

檐檻徐廣曰檐檻一作臨駟如淳曰胡名也在代地

林胡西胡國名括地志云在朔州嵐州以北春秋北郡地如淳曰林胡卽檐林為趙武靈王所滅

北貉貉北方豸種索隱曰貉卽獺也與高麗同種在辰韓之北朝鮮之東東窮大海

頭曼單于之名

冒頓劉伯莊曰音墨特

閼氏蘇林曰音馬支劉貢父曰匈奴單于號其妻為閼氏

白羊張晏曰白羊匈奴別種與樓煩胡皆在河南河南者朔方郡之河南也今亦謂之新秦中

白土曼丘徐廣曰白土地名在上郡張晏曰上郡有白土縣括地志云延銀綏三州本春秋時白狄所居因名白土

也曼丘複姓
臣其名也

左右賢王

匈奴官號有左有右
案左以次當為單于

當戶

索隱曰匈奴官
有左右大當戶

休屠

匈奴之屬為王者之號索隱
曰休音朽張晏曰屠音諸

渾邪

同前

丁靈

畧云丁靈北狄種名在康居北去匈奴庭接
習水七千里匈奴立衛律為王以主其人

右谷蠡王

服虔曰谷蠡音鹿離匈奴之官有左
右谷蠡左谷蠡王以次為左賢王

壺衍鞬

單于之
號也

烏桓

其先東胡也續漢書曰漢初匈奴冒頓破東胡其餘眾退
保烏桓山因為號焉其俗無常居男女悉髡頭為輕便

屠耆堂

右賢王
之名也

屠耆

卷六

二

握衍胸鞮單于之號即名屠耆堂者

日逐王史炤曰如休屠王渾邪王之稱

呼韓邪匈奴單于之號宣帝五鳳元年稽侯冊為呼韓單于甘露二年款塞請朝後光武建武中日逐王比為呼韓邪

單于款塞願為藩蔽

右犁汗匈奴王號也

烏累若鞮單于之號也

鮮卑烏桓本皆東胡種漢初匈奴冒頓破東胡其餘衆散保烏桓山鮮卑山為二族

南呼衍史記匈奴傳有呼衍氏索隱曰呼衍本南部之號後因為氏蓋其貴種也常與單于婚姻

車紐匈奴名

屠各匈奴別種名即漢武時金日磾父休屠王之裔

遼西烏桓遼水出高句麗在幽州之域烏桓東胡餘種本在遼東後有散居遼水西者

蹋頓鳥桓別種丘力居之從子

去卑右賢王名大夏赫連氏即其裔也

索頭鮮卑別部也姓拓跋氏其俗以索辮髮因號索頭

可汗晉槁寒唐高宗曰今之可汗古之單于也

毛可汗名後追尊成皇帝

推寅可汗名後追尊獻帝

車毘鮮卑別族也毘古魂支

秃髮樹機能鮮卑俗稱婢曰秃髮其先乃婢因以為氏史曰其先壽闐之在孕母相掖氏因寢而產於被中鮮卑

俗謂被為秃髮後因而氏焉樹機能名也壽闐之孫

拓跋力微拓跋復姓力微其名即北魏神元帝也其先出自黃

氏至孝文帝改姓元氏

宇文部鮮卑之別部漢南單于之遠屬也在遼東塞外因獵得

以為氏

段國單于號

鮑仁昭鹿之三子名

盧水胡晉書汪盧水胡即北地胡也

慕輿代北復姓或云即慕容氏後訛轉為慕輿耳恐非

虓鮮卑段務勿塵鮮卑也名務勿塵遼西胡檀石槐之後

烏桓羯末羯末人名也遼西烏桓胡種

呼延攸匈奴名也僕姓呼延氏本曰呼

劉淵署各小醜劉淵劉聰之父也匈奴人故曰署各小醜

黑匿有鮮卑別部之號或云黑

可足渾代北三字姓前燕後燕之望姓也

獨孤東胡烏桓別部之號也

設弈干東胡鮮卑別部之號也本姓設名

乞伏國仁隴西鮮卑人其前世如弗斯驍勇善騎射諸部推為

所襲部衆叛降於統司繁亦衛統降堅署為西單于留之長安司繁卒國仁代之

烏桓魯利魯利烏桓人也

柔然北狄國元魏神元帝末掠騎得一奴髮始齊肩其主字之曰木骨閭蓋木骨閭虜語首秃也木骨閭與郁久閭音相

近因以為氏至其子車鹿會雄健始有部衆自號柔然魏大武帝以其無知狀類動蟲故改其號曰蠕蠕也蠕乳交反

高車右赤狄之餘種初號狄歷北方以為高車語畧與匈奴同而時有小異謂其先匈奴之甥也

薛干本鮮卑別部之人名其後因為號焉

庫莫奚北狄國名也一名奚其先東胡宇文部之別種後種類漸多分為五部一曰辱紇主二曰莫賀弗三曰契箇四

曰木昆五曰室得其俗隨逐水草頗同突厥

爾朱復姓其先契胡部落大人代為酋帥居爾朱川因以為氏

契丹東胡種居於西樓在潢水之南黃龍之北得鮮卑故地或以為鮮卑遺種至元魏時自號契丹木葉山合流為一相

傳初有男子乘白馬浮土河而下一婦人乘小車爭黃河而下遇於木葉山顛合流之水遂為夫婦此其始祖

叱干阿利叱干代北複姓也阿利其名

唾契汗姓一部之

敕連可汗

猶古單于也號曰敕連猶夏言神聖也

劉石符

晉時劉元海據離石國號漢石勒據襄國國號後趙符堅據長安國號秦

嗽達

即怛怛國本大月氏種或曰高車別種都拔底延城蓋王舍也師古曰嗽達本虜種姓因為國號後訛為怛怛耳

契胡

謂爾朱榮也皆東胡種魏道武帝登國初酋長率契胡從平晉陽

步落稽

即稽胡也匈奴別種晉時劉元海五部之苗裔居河東之河曲或云山戎赤狄之後也

拔也惡

拔也代北種姓其先與斛律同祖為拔也部後因氏焉惡姓名也

達奚

代北種姓也本東胡種

賀若

代北種姓其先居元朔隨魏南遷魏以忠正為賀若因命氏焉

莫多婁貸文

莫多婁虜三字姓貸文其名

若干惠

若干虜種姓惠其名也

胡羯

胡虜戎羯也說文羯羊殺羴也以為虜之別號按吳漢傳註羯本匈奴別部分散居上黨武鄉羯室因號胡羯此總

謂戎夷耳不特指於羯也

突厥

世居金山工於鉄作金山狀如兜鍪其呼兜鍪為突厥因為國號

木杆

可汗號也

俟斤

可汗名也

普六茹堅

普六茹虜三字姓堅名也本姓楊氏魏恭帝賜今姓

莫多婁

虜三字姓也

慕容三藏

慕容複姓三藏其名

烏丸軌

王軌本烏丸人故呼曰烏丸軌按丸本作桓

叱列長又

叱列虜複姓長又其名

突利設處羅侯

突利其設之號也猶言部突厥之俗謂別部典兵者曰設其人名處羅侯

奚霫

奚本號庫莫奚其先東胡宇文之別種為匈奴所破竄居松漠之東與突厥同俗魏書達奚薄奚繞奚吐奚四氏皆

其部族也至隋始去庫莫而但曰奚唐末居陰涼川在幽州之西南霫音習董衝又音先立反即曰霫蠻也鉄勒諸部之號其後契丹強奚乃舉部役屬於霫有東西奚焉

雍虞閭

都藍可汗名

玷厥

達頭可汗名

屈突

代北複姓也

都藍

可汗之號也名雍虞閭

染干

突利可汗名

未曷

北狄國本號粟靺鞨姓大氏其先有舍利乞乞仲象者度

革遼水附高麗仲象死子祚榮立唐玄宗拜為渤海王自是

去鞞鞞號而專稱勃海祚榮死子武藝立號勃海鞞鞞括地志云鞞鞞甘肅慎地去京兆東北萬里東北各抵大海

啓民以突利可汗為啓民可汗

俟利發俟斤契苾歌楞俟利發本突厥大臣之稱鉄勒以為別部之號俟斤其部首長之稱契苾歌楞

乃俟利發俟斤之名也

屠耆匈奴單于之號也名曰逐王薄胥堂按匈奴傳其俗謂賢曰屠耆故常以太子為左屠耆王

吐吉設突厥別部典兵者

屋利設同上

室韋契丹之別種丁零之苗裔也據黃龍北傍徼越河共有七姓

莫賀咄設突厥別部典兵者曰設莫賀咄其設之號咄苾其名也先為莫賀咄設今立為可汗

豆盧虜複姓其先慕容支庶燕王廆之族其後有自盛者降於後魏為樂郡守賜姓豆盧氏

若干則若干虜種姓則其名也

都番句奴別種也

阿史那社爾阿史那突厥三字姓社爾其名也

夷男真珠可汗名

結骨堅昆

葉護賀魯葉護突厥大臣之稱賀魯其名也姓阿史那氏

斛瑟羅名也姓阿史那氏嗣聖三年太后以為繼往絕可汗

默啜突厥君長名

葛邏祿突厥諸部之號也

胡禄屋本泥熟噉部將之名後以為部落之號或曰本突厥出陸部也

闕特勒

突厥俗稱子弟曰特勒闕名也

拔悉密

北狄種名拔音跋

阿史那獻

阿史那突厥三字姓獻其名也

小殺

突厥君長名

阿史德頡利發

阿史德虜三字姓也突厥大臣之官稱凡二十有八等頡利發其名也

黑水靺鞨

北狄別種沈括曰黑山在大幕之北有城在其西南靺鞨名慶州子奉使嘗帳宿其下土石皆紫黑有水出其

西所謂黑水也靺鞨居黑水之北

奚李

詩賁高奚國酋長姓李名詩璜高

奚厥

或解云奚與突厥也一本直作突厥

莫賀達干

莫賀酋長之名也按突厥大臣之官凡二十有八等皆世其名而無員限達干其一也

趙堪白真陀羅

正誤按新唐書張守珪傳初書趙堪白真陀羅下文兩見皆止書真陀羅當是二人趙與白為

氏而堪與真陀羅其名也

骨咄葉護

骨咄其名也

契苾何力

契苾虜複姓何力其名契詰歷反苾蒲結反

溫沒斯可汗

溫兄弟之名也

達旦

北狄國名本鞞鞞之餘種居奚契丹東北後為契丹所攻而部族分散其散居陰山者自號達旦鞞當割反

邪律阿保機

契丹主姓邪律名阿保機五代史四夷附錄曰阿保機本以所居橫帳地名為姓曰世里譯者謂之

邪律也邪余遮反

奚酋无餒

奚東胡種名酋君長之稱无餒酋之名

邈佉列

即李嗣源也本胡人無姓氏以騎射事李克用養為子

遼

遼

遼